



**Republika e Kosovës**  
**Republika Kosova - Republic of Kosovo**  
**Autoriteti Kosovar i Konkurrencës**  
Autoritet Kosova za Konkurenciju - Kosovo Competition Authority

Nr. 44/2020  
Datë: 6 MAJ 2020

Duke u bazuar në nenin 28, 29, 35 paragafi (1), nen 54 paragafi (1) nën-paragafi 1.9 dhe nenit 66 i Ligjit për Mbrojtjen e Konkurrencës Nr. 03/L-229 (Gazeta zyrtare nr.88/25), dhe Ligji Nr. 04/L-226 për ndryshimin dhe plotësimin e Ligjit Nr. 03/L-229 për Mbrojtjen e Konkurrencës, Ligjet nr. 05/L-031 për Procedurën e Përgjithshme Administrative, nen 5 dhe 6 të Udhëzimit Administrativ për mënyrën e përcaktimit të tregut relevant Nr. 02/2018; Udhëzimit Administrativ Nr.07/2012 Mbi Kriteret për Lirim ose uljen e masës administrative; Komisioni i Autoritetit Kosovar të Konkurrencës në mbledhjen e mbajtur me datën **6 MAJ 2020** merr këtë:

**V E N D I M**

- I. Mbylllet procedura hetimore ndaj ndërmarrjes KASTRATI GROUP Shpk Nr. fiskal: [REDACTED]
- II. Gjatë procedurës hetimore është konstatuar se ndërmarrja KASTRATI GROUP Shpk nuk ka çrrregulluar konkurrencën tregtare, në pajtim të dispozitive të Ligjit për Mbrojtjen e Konkurrencës Nr. 03/L-229, nenin 4 "Marrëveshje të ndaluar apo praktikë e bashkërenduar", paragafi 1 nën paragafi (1.1).
- III. KONSTATOHET se ndërmarrja KASTRATI GROUP Shpk nuk ka abuzuar me pozitën dominuese në treg individuale apo kolektive përkatesisht nuk ka shkelje ligjore sipas nenit 11 të Ligjit për Mbrojtjen e Konkurrencës.
- IV. Ky vendim hyn në fuqi ditën e nënshkrimit nga Komisioni.

**A r s y e t i m**

I. **Fillimi i procedurës**

1. Bazuar në shqetësimet e ngritura nga opinioni publik, përmes mediave dhe shoqërisë civile rreth pretendimeve të tyre për marrëveshje të ndaluar apo praktikë të bashkërenduar në mes të ndërmarrjeve të cilat merren me tregimin me derivate të naftës në shitjen me shumicë dhe pakicë të naftës dhe benzinës në territorin e Republikës së Kosovës, Komisioni i AKK-së në mbledhjen e mbajtur me datë 24.12.2018, ka vendosur për monitorimin e tregut në sektorin e naftës (për produktin Naftë dhe Benzinë).
2. Pretendimet e opinionit publik, të mediave dhe shoqërisë civile janë se ndërmarrjet të cilat operojnë në tregun e derivateve të naftës, kanë arritur marrëveshje të fshehet për t'i fiksuar apo kurdisur çmimet e derivateve të naftës.

3. Gjithashtu opinioni i gjithmbarshëm dhe mediat në përgjithësi kanë pretenduar se përkundër faktit se ka pas rënje në berëzën botërore të naftës, ndërmarrjet që operojnë në Republikën e Kosovës në këtë treg nuk kanë reflektuar karshi lëvizjeve të çmimit të berëzës botërore.

## II. Procedura e ndjekur nga Autoriteti

1. Komisioni i Autoritetit Kosovar i Konkurrencës sipas detyrës zyrtare pas shqyrtimit të raportit paraprak i datës 11.02.2019 në tregun e derivateve të naftës për shkak të dyshimit të bazuar për ç'rregullim të konkurrencës në tregun e derivateve të naftës në kundërshtim me nenit 4 "Marrëveshjeve të ndaluara" dhe nenin 11 "Abuzim me pozitën dominuese", në tregun relevant me datë 15.02.2019 ka marrë Konkluzion për fillimin e procedurës hetimore ndaj 16 ndërmarrjeve që tregtojnë me derivate të naftës të cekuar në diapositivin e Konkluzionit nr.01/19.
2. Gjatë monitorimit në tregun përkatës në sektorin e naftës lidhur me rastin, takimeve të zhvilluara me palët të cilët merren me importin, blerjen dhe shitjen e derivateve të naftës me shumicë dhe pakicë, analizimit dhe vlerësimit të të dhënave të grumbulluara gjatë shqyrtimit paraprak, dokumentacioni i siguruar nga Dogana e Kosovës, Administrata Tatimore e Kosovës, MTI, MF, si dhe konsultimit me rregullativën ligjore, Autoriteti Kosovar i Konkurrencës ka nxjerrë strukturën e tregut të ndërmarrjeve të cilat tregtojnë dhe importojnë derivate të naftës me shumicë dhe pakicë, për ndërmarrjet të cilat kanë ndikim të ndjeshëm në sektorin e tregut të naftës.
3. Përkitazi me këtë me dt. 15.02.2019, Komisioni i AKK-së ka marrë Konkluzion që të fillojë procedurën e thelluar hetimore në tregun përkatës për të vërtetuar pretendimin mbi dyshimet nëse ka marrëveshje, koordinim, praktikë të bashkërenduar apo sjellje paralele në treg për fiksmin e çmimeve të naftës dhe benzinës ndërmjet ndërmarrjeve që janë objekt hetimi për këtë rast.

## III. Palët në procedurë

1. Duke i'u referuar Konkluzionit nr. 01/19 i Komisionit të Autoritetit Kosovar të Konkurrencës, të datës 15.02.2019, palë në procedurë janë:

1. HIB PETROL Shpk Nr. Fiskal: [REDACTED]
2. AL - PETROL Shpk Nr. Fiskal: [REDACTED]
3. EX FIS Shpk Nr. Fiskal: [REDACTED]
4. LAB - OIL Shpk Nr. Fiskal: [REDACTED]
5. IP - KOS Shpk Nr. Fiskal: [REDACTED]
6. PETROL COMPANY Shpk Nr. Fiskal: [REDACTED]
7. ALBA PETROL GROUP Shpk Nr. Fiskal: [REDACTED]
8. ALFA TRADE Shpk Nr. Fiskal: [REDACTED]
9. KASTRATI GROUP Shpk Nr. Fiskal: [REDACTED]
10. PATRONI Shpk Nr. Fiskal: [REDACTED]
11. BENITA COMPANY Shpk Nr. Fiskal: [REDACTED]
12. N.P.T IBRAHIMI Nr. Fiskal: [REDACTED]
13. BLU OIL Shpk Nr. regjistrimit: [REDACTED]
14. PETROL OTI SLOVENIJA L.L.C Nr. Fiskal: [REDACTED]
15. VEDA -2 PETROLL Shpk Nr. Fiskal: [REDACTED]
- N.P.T. FAT OIL Shpk Nr. Fiskal: [REDACTED]

## IV. Përcaktimi i tregut relevant

1. Duke u bazuar në *nenet 3, 4, 5 dhe 6* të *Udhëzimit Administrativ* për mënyrën dhe kriteret e përcaktimit të tregut përkatës nr. 02/2018, Komisioni i Autoritetit Kosovar të Konkurrencës përcakton se:
  - TREGU I PRODUKTIT – Tregu i produktit do të konsiderohet **Nafta dhe Benzina**.
  - TREGU GJEOGRAFIK konsiderohet të jetë **territori i Republikës se Kosovës**.

## V. Pretendimet e Autoritetit

1. Autoriteti në procesin e shqyrtimit paraprak të hetimit në sektorin e naftës në Republikën e Kosovës ka vërejtur se ka mos reflektim të uljes së çmimit të naftës dhe derivateve të naftës kur ka lëvizje të çmimit, ulje apo ngritje, të këtij produkti në berëza. Andaj për ta vërtetuar dhe hollësisht analizuar këtë mos reflektim të uljes së çmimit Autoriteti ka ngritë procedurë hetimore duke u bazuar në nenin 35 të Ligjit për Mbrojtjen e Konkurrencës.
2. Bazuar në Konkluzionin nr. 01/19 i datës 15.02.2019 për fillimin e procedurës, Komisioni i Autoritetit Kosovar të Konkurrencës ka pasur dyshime të bazuara për ç'regullim të konkurrencës në tregun e derivateve të naftës në kundërshtim me nenin 4 "Marrëveshje të ndaluar" dhe nenin 11 "Abuzim me pozitën dominuese"
3. Komisioni i AKK-së ka caktuar periudhën e hetimit për ndërmarrjet nën hetim nga 01.01.2018 deri më 31.12.2018.
4. Për t'i vërtetuar pretendimet e veta, Autoriteti Kosovar i Konkurrencës ka kërkuar nga Dogana të gjitha DUD-at doganor për ndërmarrjet nën hetim, për produktin Naftë dhe Benzinë.
5. Kodi tarifor për Produktin Naftë është **2710194300** ndërsa për produktin Benzinë është **2710124500**.

### Andaj,

6. Autoriteti duke u mbështetur në Ligjin për Mbrojtjen e Konkurrencës neni 38 "mbledhja e të dhënave", ka kërkuar nga ndërmarrja KASTRATI GROUP Shpk, të gjitha shitjet me pakicë dhe shumicë për produktin naftë dhe benzinë për çdo ditë për tërë vitin 2018. Autoriteti e ka kalkuluar mesataren mujore të çmimit të naftës dhe benzinës për vitin 2018.
7. Po ashtu, Autoriteti duke u bazuar në të dhënrat e doganës për secilin import që e ka bërë ndërmarrja KASTRATI GROUP Shpk për gjatë vitit 2018, e ka kalkuluar mesataren e çmimit blerës të naftës dhe benzinës për çdo muaj.

## 4. Të gjeturat dhe analiza e konkurrencës

1. Për të konstatuar **Marrëveshjen e ndaluar apo praktikën e bashkërenduar**, Komisioni i Autoritetit Kosovar të Konkurrencës është bazuar në nenin 3 par.1.2 si dhe nenin 4 par.1 pika 1.1 dhe nenin 66 i Ligjit për Mbrojtjen e Konkurrencës citoi: "Zbatimi i këtij Ligji duhet të jetë në pajtim me direktivat e Bashkimit Evropian për Konkurrencën".
2. Duke u bazuar në plotësim ndryshim i Ligjit për Mbrojtjen e Konkurrencës – **Marrëveshje** është marrëveshjet e çdo forme, të lidhura ndërmjet ndërmarrjeve, me ose pa forcë detyruese, vendimet ose rekomandimet e grupimeve të ndërmarrjeve, si dhe praktikat e bashkërenduara ndërmjet ndërmarrjeve, të cilat veprojnë në të njëjtin nivel, ose në nivele të ndryshme, të tregut.
3. Duke u bazuar ne Ligjin për Mbrojtjen e Konkurrencës, **Praktika e bashkërenduar** është një aktivitet që ka të bëjë me bashkëpunimin joformal në mes të dy ose më shumë ndërmarrjeve dhe që nuk bazohet në një vendim ose marrëveshje formale.
4. Komisioni i Autoritetit Kosovar i Konkurrencës, në mbështetje të Ligjit për Mbrojtjen e Konkurrencës neni 66 si dhe në mbështetje të punimit "**Ekonomia në Marrëveshjet e heshtura**"<sup>1</sup> (*The Economics of Tacit Collusion*) e përgatitur për Drejtorinë Gjenerale për Konkurrencë e BE-së (DG Competition) jep këtë sqarim dhe përcaktim për **Marrëveshjet e heshtura**:

### a. Marrëveshjet e heshtura -

- i. Koluzioni i heshtur, nuk do të thotë detyrimisht involvimi në ndonjë marrëveshje të heshtur apo involvimi i palëve për t'u marrur vesh apo komunikuar. Por ju referohet marrëveshes së heshtur sepse rezultati (në terma të caktimit të çmimit apo të sasisë së prodhuar) mund të ngjasojë me MARRËVESHEJE EKSPLICITE apo edhe të një KARTELI ZYRTAR.
- ii. Koluzioni apo marrëveshje e heshtur është një sjellje e tregut që u mundëson firmave të fitojnë fitime ekstra-normale, ku fitimet "normale" korrespondojnë me situatën e ekuilibrit. Marrëveshja e heshtur mund të lindë kur firmat bashkëveprojnë në mënyrë të përsëritur.
- iii. Atëherë ato mund të janë në gjendje të ruajnë çmime më të larta duke rënë dakord në heshtje se çdo devijim nga rruga e koluzionit do të shkaktonte një hakmarrje.

<sup>1</sup> [https://ec.europa.eu/competition/mergers/studies\\_reports/the\\_economics\\_of\\_tacit\\_collusion\\_en.pdf](https://ec.europa.eu/competition/mergers/studies_reports/the_economics_of_tacit_collusion_en.pdf)

- iv. Hakmarrja i referohet reagimit të firmave ndaj një devijimi nga rruga kolusive. Për të qenë efektiv, hakmarrja duhet të nënkuptojë një humbje të konsiderueshme fitimi për firmën devijuese, krahasuar me fitimin që do të kishte fituar duke iu përbajtj rrugës kolutive apo marrëveshjes së heshtur.
- 5. Në mungesë të provave për të dëshmuar marrëveshjen ose praktikën e bashkërenduar të ndërmarrjes KASTRATI GROUP Shpk, Autoriteti ka përcaktuar gjendjen e fakteve dhe rrethanat e ndërlidhura me çështjen dhe ka përdor çdo mjet prove të paraparë me ligj për të dëshmuar mbi bashkëpunimin e ndërmarrjeve. Autoriteti gjatë vlerësimit të fakteve ka konstatuar rëndësinë e dokumentacionit të cilin e ka analizuar dhe vlerësuar me të gjitha të dhënat nga palët në procedurë dhe ka konstatuar se nuk ka argumente për të vazhduar edhe më tutje procedurën hetimore.
- 6. Nga se nuk kemi arritur të dëshmojmë se ndërmarrja KASTRATI GROUP Shpk ka ngritur ose ulur çmimet e derivateve te naftës me shumicë dhe pakicë gjatë vitit 2018 me ndërmarrjet tjera nën hetim në tregun përkatës, sepse ndërmarrja KASTRATI GROUP Shpk nuk ka pas shitje me pakicë gjatë tërë vitit 2018 përveç importit me shumicë dhe shitje me shumicë. Me që rast, në shitjet me shumicë nuk kemi evidentuar ndonjë sjellje të ndërmarrjes që korrespondon në koordinim me ndërmarrjet tjera.
- 7. Pretendimet tona mbi bazën e së cilës kemi ngritur Konkluzionin Nr. 01/19 i dt. 15 shkurt 2018 për fillimin e procedurës hetimore nuk kemi arritur ta dëshmojmë qartësisht me prova bindëse. Në kuadër të kësaj kemi konstatuar se ndërmarrja nën hetim nuk ka shitur derivate me pakicë në tregun relevant. Nga analiza e të dhënavë që janë përpunuar nga Autoriteti rezulton se ndërmarrja KASTRATI GROUP Shpk gjatë kësaj periudhe nuk ka shitur derivate me pakicë dhe si pasojë nuk ka pas ndonjë intencë mbi praktiken e bashkërenduar, sjellje paralele apo marrëveshjes së heshtur për çmimet me pakicë të derivateve me ndërmarrjet tjera.
- 8. Gjatë analizës së dokumentacionit në procedurën hetimore, Autoriteti nuk ka gjetur dëshmi se ndërmarrja nën hetim ka shkelur nenin 4. parografi 1 nën parografi 1.1 të Ligjit Nr. 04/L-226, për Mbrojtjen e Konkurrencës.
- 9. Gjatë procedurës hetimore në tregun përkatës lidhur me rastin, takimeve të zhvilluara me palët të cilët janë të ndërlidhur me çështjen, analizimit dhe vlerësimit të të dhënavë të grumbulluara nga institucionet relevante është konstatuar se ndërmarrja KASTRATI GROUP Shpk ka importuar dhe shitur derivate të naftës në tregun relevant vetëm me shumicë dhe bazuar mbi këtë nuk kemi arritur të provojmë me ndonjë fakt se ajo ka caktuar çmimet e derivateve me shumicë me ndërmarrjet tjera nën hetim.
- 10. Andaj duke u mbështetur në Ligjin për Mbrojtjen e Konkurrencës Nr. 03/L-229, neni 29 me pesë (5) vota unanime, Komisioni i Autoritetit Kosovar të Konkurrencës vendosi si në dispozitivë të këtij Vendimi.

**Këshilla juridike:** Kundër këtij vendimi nuk është e lejuar ankesa por pala me padi mund të iniciojë konflikt administrativ pranë gjykatës kompetente për çështje administrative.

### KOMISIONI AUTORITETI KOSOVAR I KONKURRENCËS

Valon PRESTRESHI  
Kryetar

Ahmet KRASNIQI  
Zv. Kryetar

Fatime S. HAZIRI  
Komisioner

Muhamed KRASNIQI  
Komisioner

Shaqir MORINA  
Komisioner

**Me këtë Vendim të njoftohen:**

- Arkiva
- Ndërmarrja KASTRATI GROUP Shpk